

Investigacion

— Capitulo 10 —

Datonan Demografico y e factornan di riesgo*Skirbi pa: mr. dr. Alida 'Lily' Marnel***Informacion general:**

E capitulo aki na prome lugar lo muestra e resultadonan di e prome seccion di e lista di preguntanan specialmente tocante topiconan demografico. Tambe lo muestra asociacion of correlacion cu forma nan di IPV.

Violencia contra hende muhe ta cuminsa for di chikito. Como violencia contra mucha y violencia contra hende muhe ta mara na otro na diferente manera, e mucha cu ta ser expone na violencia como mucha, a ser considera pa investigadornan como un factor di riesgo pa haye involvi den IPV ora e ta adulto. Violencia contra mucha y violencia a contra hende muhe hopi biaha ta sosode hunto. Muchanan cu ta biba den famia unda IPV ta sosode ta core un risico grandi di tambe experiencia violencia or nan bira adulto.

**Definicion di un Factor di Riesgo:**

Kico esaki ta? Esaki ta un característica di algo cu por sosode. Por ehempel: hende muhe cu ta gana poco placa ta core e riesgo di cay den un relacion cu un hende cu ta violento. Mas cu un hende muhe cu un mihor of bon salario of hende muher cu bon estudio. Tambe ta aproba cu hende cu trastono mental hopi biaha por bira violento. Hende cu ta uza hopi alcohol of droga, tambe tin e tendencia di bira violento hopi lihe. Mucha y hoben cu ta wak violencia for di chikito tin e tendencia di kere cu esey ta normal. Den otro capitulo nos lo topa cu mas factornan di riesgo.

Den e capitulo di Data Demografico a ser pidi pa menciona algun cosnan personal, manera luga di nacemento. Di un total di 758 respondiente, 469 (61.87%) a nace na Aruba; 28 (3.69%) a nace na Hulanda; 4 den un di e islanan BES (Bonaire, Saba y St. Eustatius) y 255 (33.64%) a nace na otro pais di cua e grupo mas grandi ta di Colombia, Venezuela, y Santo Domingo. Como 579 respondiente (76.39%) a menciona cu nan tin un paspoort Hulandes.

Districtonan di Aruba:

E 758 participante ta bin di e siguiente districtonan: (1). Oranjestad y vecindario: 126. (2). San Nicolas y vecindario: 142. (3). Santa Cruz y vecindario: 135. (4). Noord y vecindario: 180. (5). Savaneta y vecindario: 88. (6). Paradera y vecindario: 87.

Number di Hende Muhe pa Distrito (2019) y e number di respondiente pa Distrito

District	Population of women	%	Number of respondents	%
Noord/Tanki Leendert	13416	21.75	180	23.75
Oranjestad	17489	28.35	126	16.62
Paradera	7189	11.65	87	11.48
Santa Cruz	7863	12.75	135	17.81
Savaneta	6657	10.79	88	11.61
San Nicolas	8714	14.13	142	18.73
Not reported	364	0.59	0	
Total population	61692	100.00	758	100.00

E Tabel aki ta muestra e cantidad di respondiente pa cada distrito compara cu e populacion di hende muhe pa cada distrito. E percentahe marca den e ultimo kolom ta muestra si e data colecciona tin representacion den cada distrito. Manera por ripara: e cantidad di hende den 5 di e 6 distrito ta bon representa den e investigacion aki.

Por check esaki door di compara e percentahe di e poblacion cu e percentahe di e distrito. Esun di Oranjestad a sali 16.62 mientras cu e mester ta 28.35. E motibo ta pasobra tin 2 consultorio di WGK na Oranjestad na diferente luga y un di nan tabata cera pa motibo di restauracion.

Condicion civil/marital status:

E respondientenan mester a menciona nan status civil. Pa e motibo ey 7 categoria di condicion civil a ser ofreci pa hacie mas facil pa contesta. Un total di 755 respondiente a contesta di e manera aki:

- soltero, nunca a casa: 192 (25.43%) respondiente a marca e opcion aki.
- casa: 289 (38.28%) a contesta cu nan ta casa.
- 175 (23.18%) a marca cu nan ta biba hunto cu nan pareha sin casa.
- 11 (1.46%) a marca cu nan ta casa pero no ta biba hunto.
- 15 (1.99%) a marca cu nan no ta casa pero nan tin un relacion LAT= living apart together
- 60 (7.95%) a contesta cu nan ta divorcia y
- 13 (1.72%) a contesta cu nan ta viuda.

(E parti final di Capitulo 10 ta sigui mañan).